



DEPUTACIÓN PROVINCIAL
A CORUÑA
SERVIZO DE PATRIMONIO E CONTRATACIÓN



Número 35 / 2025

CONVENIO DE COOPERACIÓN ENTRE A DEPUTACIÓN PROVINCIAL DA CORUÑA E O CONCELLO DA CAPELA PARA LEVAR A CABO A IMPLANTACIÓN DUNHA LANZADEIRA ELÉCTRICA, APARCADOIROS DISUASORIOS E MELLORAS DA MOBILIDADE DO PARQUE NATURAL FRAGAS DO EUME, NO MARCO DO PLAN DE SOSTIBILIDADE TURÍSTICA EN DESTINO (PSTD) FRAGAS DO EUME, FINANCIADO CON FONDOS DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXTGENERATIONEU.

Na Capela, a 8 de maio do 2025

Ante min, Marco Vellón García, Secretario do Concello da Capela, como fedatario actuante,

REUNIDOS

Dunha parte, Don Valentín González Formoso, Presidente da Deputación Provincial da Coruña.

Doutra parte, Don Manuel Meizoso López, Alcalde Presidente do Concello de A Capela, e conforme as competencias que teñen atribuídas.

Ambos comparecentes recoñécense mutuamente capacidade, lexitimación e representación suficientes para formalizar o presente convenio de cooperación.

MANIFESTAN

Primeiro.- A Deputación Provincial da Coruña presentou un Plan de Sostibilidade Turística en Destino ao Plan de Modernización e Competitividade do Sector Turístico financiado dentro do Plan de Recuperación, Transformación e Resiliencia con cargo a fondos NextGenerationEU, cuxas bases están reguladas pola *Estrategia de sostenibilidad turística en destinos* (2021).

Segundo.- Que a citada proposta presentouse baixo a modalidade de “Proxecto en cooperación”, e



polo tanto as partes formalizan as súas relacións mediante acordos de cooperación para establecer os seus dereitos e obrigas no desenvolvemento da actuación “Implantación dunha lanzadeira eléctrica, aparcadoiros disuasorios e melloras da mobilidade do Parque Natural Fragas do Eume” dentro do marco do PSTD Fragas do Eume.

O orzamento da actuación é de douscentos vinte mil euros (220.000 euros) e cunha contribución da Unión Europea do 100%.

Dado o interese da Deputación e o Concello de A Capela para a realización da dita actuación, ambas as partes acordan formalizar o presente convenio en base as seguintes cláusulas.

Por todo o exposto, as partes:

ACORDAN

Formalizar o presente convenio conforme as seguintes cláusulas:

I. OBXECTO

O obxecto do presente convenio é establecer as bases de cooperación entre a Deputación da Coruña e o Concello da Capela para levar a cabo a actuación **“Implantación dunha lanzadeira eléctrica, aparcadoiros disuasorios e melloras da mobilidade do Parque Natural Fragas do Eume”** do PSTD Fragas do Eume.

A finalidade é a creación dun aparcamento disuasorio que inclúe un zona de aparcamento e servizos para autocaravanas, e por outro, a subministración dun vehículo eléctrico de transporte público que preste o servizo de traslado de visitantes desde o aparcadoiro disuasorio ata a entrada do Parque Natural Fragas do Eume, concretamente ata o camiño de acceso ao Mosteiro de Caaveiro.

II. ORZAMENTO E PRAZO DE EXECUCIÓN

O orzamento máximo de execución da actuación obxecto deste convenio é de DOUS CENTOS VINTE MIL EUROS (220.000,00 €) IVE incluído.

A actuación levarase a cabo en 3 accións:

- I. Acción 1: Redacción do proxecto e dirección de obra de aparcadoiros disuasorio no Concello da Capela: 13.078,39 €, IVE incluído (prezo máximo de licitación).
- II. Acción 2: Realización das obras contidas no proxecto: 146.921,61 €, IVE incluído (prezo máximo de licitación).
- III. Acción 3: Adquisición dunha lanzadeira eléctrica 60.000,00 €, IVE incluído (prezo máximo de licitación).

O prazo de execución estimado dos traballos é de:

- Acción 1: dous (2) meses para a contratación da redacción do proxecto de obra.
- Acción 2: de catro (4) meses para a contratación e realización das obras.
- Acción 3: cinco (5) meses para o subministro da lanzadeira eléctrica.

III. FINANCIAMENTO



1. A Deputación da Coruña financiará o orzamento da actuación con fondos do PSTD Fragas do Eume, financiado dentro do Plan de Recuperación, Transformación e Resiliencia con cargo a fondos NextGenerationEU, tal como se define na cláusula anterior, cunha achega provincial máxima de 220.000 euros con cargo á aplicación orzamentaria, o que representa unha porcentaxe do 100%.

O detalle do orzamento asignado para a execución da actuación repártese como segue:

- Acción 1: O prezo máximo de licitación da redacción do proxecto e dirección de obra estímase en 13.078,39 € (IVE incluído). O importe do financiamento provincial farase efectivo con cargo á aplicación orzamentaria 0510/4327/650.
- Acción 2: O prezo máximo de licitación da execución da obra estímase en 146.921,61 € (IVE incluído). O importe do financiamento provincial farase efectivo con cargo á aplicación orzamentaria 0510/4327/650.
- Acción 3: O prezo máximo de licitación de adquisición da lanzadeira estímase en 60.000,00 €. O importe do financiamento provincial farase efectivo con cargo á aplicación orzamentaria 0510/4327/650.

Os custos derivados da contratación da Coordinación de seguridade e saúde e Control de calidade imputaranse aos contratos vixentes no Servizo de Vías e Obras da Deputación da Coruña para as ditas prestacións.

2. Ausencia de dobre financiamento: A execución do Plan de Recuperación, Transformación e Resiliencia debe respectar os límites establecidos en relación coas axudas de Estado e a prevención do dobre financiamento procedente do Mecanismo e doutros programas da Unión dos mesmos gastos.

As reformas e os proxectos de inversión poderán recibir axuda doutros programas e instrumentos da Unión sempre que dita axuda non cubra o mesmo custo.

Para esta actuación o Concello da Capela acredita, coa firma deste Convenio, a ausencia de dobre financiamento.

IV. CONTRATACIÓN E EXECUCIÓN

a. COMPROMISOS DO CONCELLO DA CAPELA

En virtude da sinatura do presente convenio o concello da Capela comprométese a:

1. Solicitar vía rexistro electrónico o inicio dos tramites necesarios para levar a cabo a actuación.

En relación coa adecuación do aparcadoiro disuasorio, comprométese a:

1. Presentar unha certificación xustificativa da efectiva dispoñibilidade do terreo de actuación, libre de cargas e gravames e co réxime urbanístico axeitado, para a execución das obras as que se refiren as actuacións que se describan no proxecto "Creación dun aparcadoiro disuasorio en A Capela" como trámite previo á incoación do expediente de licitación das obras pola Deputación da Coruña.



2. Aprobar o proxecto de obra que lle remita a Deputación da Coruña para a adecuación dun aparcadoiro disuasorio.
3. Asumir os custes xerados pola obtención dos permisos, licencias e autorizacións regulamentarias, cando estas fosen necesarias, así como a realización das xestións pertinentes ante os organismos que corresponda para a súa obtención.
4. Facilitar a realización das obras correspondentes ao proxecto “Creación dun aparcadoiro disuasorio en A Capela”.
5. Comunicar á Deputación da Coruña calquera circunstancia que poida incidir no desenvolvemento do proxecto.
6. Unha vez realizadas as obras pola Deputación da Coruña e coa asistencia do persoal designado polo Concello da Capela, procederase a formalizar a acta de entrega á entidade municipal da obra realizada, asumindo esta a súa explotación, mantemento e conservación como titular destas, ou se fose o caso por parte dos entes titulares afectados no ámbito territorial do Concello da Capela.
7. Asumir todos os gastos posteriores de conservación e mantemento.
8. Dar publicidade desta actuación dentro do marco do PSTD.

En relación co subministro da lanzadeira eléctrica, comprométese a:

1. Asistir ao acto de recepción do vehículo no prazo e lugar acordado coa Deputación da Coruña. Unha vez realizado o acto de recepción pola Deputación da Coruña e coa asistencia do persoal designado polo Concello da Capela, procederase a formalizar a acta de entrega do vehículo subministrado á dita entidade municipal.
2. Asumir a explotación, conservación e mantemento da lanzadeira, como titular da mesma.
3. Utilizar o vehículo eléctrico como lanzadeira, coas características que se indican nas prescricións técnicas do contrato de subministro.
4. Dar publicidade desta actuación dentro do marco do PSTD.

b. COMPROMISOS DA DEPUTACIÓN PROVINCIAL DA CORUÑA

En virtude da sinatura do presente convenio a Deputación da Coruña comprométese, en relación coa creación do aparcadoiro disuasorio, a:

1. Contratar a redacción do proxecto e dirección de obra da “Creación dun aparcadoiro disuasorio na Capela”.
2. Aprobar o proxecto construtivo, unha vez comprobado o cumprimento de todas as esixencias legais que fosen requiridas para a súa execución, e levar a cabo as actuacións de contratación, execución e dirección das obras descritas no proxecto e formalizar os actos de recepción das mesmas.
3. Contratar a coordinación de seguridade e saúde e aboar os gastos que diso se deriven.
4. Contratar o control de calidade da obra e aboar os gastos que diso se deriven.
5. Aboar as certificacións mensuais que emita o director de obra e que serán remitidas á Deputación da Coruña para a seu pago con cargo ao PSTD Fragas do Eume.



6. Comunicar ao Concello da Capela, cunha antelación de dez días como mínimo, a data e hora para o acto de recepción das obras pola Deputación da Coruña, ao cal deberá asistir o representante designado polo Concello da Capela, xunto co técnico competente que determine.

O técnico municipal elaborará informe de conformidade coa recepción. De presentar algún elemento desconforme a Deputación deberá proceder a realizar as actuacións que correspondan para obter o carácter favorable da valoración técnica municipal.

A acta de recepción será asinada por un interventor da Deputación da Coruña, ou as persoas nas que deleguen, o director de obra e un técnico do Servizo de Asistencia Técnica a Municipios ou do Servizo de Arquitectura e Mantemento.

7. Unha vez recibidas as obras formalizarase unha acta de entrega da obra rematada que terá lugar nun prazo non superior á 15 días desde a recepción das obras.

8. Comunicar ao Concello da Capela calquera circunstancia que poida incidir no desenvolvemento do proxecto.

9. Dar publicidade nesta actuación dentro do marco do PSTD.

En virtude da sinatura do presente convenio a Deputación da Coruña, comprométese, en relación co subministro da lanzadeira eléctrica, a:

1. Contratar o subministro dunha lanzadeira eléctrica.

2. Comunicar ao Concello da Capela a data e hora para o acto de recepción do vehículo lanzadeira, ao cal deberá asistir o representante designado polo concello da Capela, xunto co técnico competente que determine. Unha vez formalizada a recepción, procederase a continuación a facer a acta de entrega da lanzadeira ao Concello da Capela, sen prexuízo das responsabilidades que correspondan ao contratista derivadas do contrato de subministro.

3. Comunicar ao concello da Capela calquera circunstancia que poida incidir no desenvolvemento do proxecto.

4. Dar publicidade nesta actuación dentro do marco do PSTD.

V. POSTA A DISPOSICIÓN DO TERREO.

O Concello da Capela pon a disposición da Deputación o terreo con referencia catastral 5298405NJ7059N0000TW a fin de que se poidan executar as obras de urbanización do aparcadoiro disuasorio.

VI. AUTORIZACIÓN

Os permisos sectoriais necesarios para a execución da obra de urbanización do aparcadoiro disuasorio, solicitaranse unha vez redactado o proxecto de obra.

VII. POSTA A DISPOSICIÓN DO INMOBLE

O Concello da Capela porá a disposición da Deputación, e durante un período de cinco anos durante



7 días cada ano, a lanzadeira para a realización de actividades de tipo cultural/deportivo.

VIII.- PUBLICIDADE DO FINANCIAMENTO.

En relación á publicidade do financiamento deberase cumprir co establecido no:

- Regulamento (UE) 2021/241 do Parlamento Europeo e do Consello do 12 de febreiro de 2021, polo que se establece o Mecanismo de Recuperación e Resiliencia. Capítulo VIII. Artigo 34. Información, comunicación e publicidade.
- Acordo de Financiamento entre España e a Comisión Europea. Artigo 10. Publicación de información, visibilidade do financiamento da Unión e dereito de uso.
- Real Decreto-lei 36/2020, do 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia. Capítulo III Instrumentos de xestión pública. Artigo 23.7
- Orde HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia. Artigo 9. Comunicación.
- Convenio entre a Axencia Turismo de Galicia e a Deputación de Coruña para a execución do Plan de Sustentabilidade Turística Fragas do Eume non marco do Plan De Recuperación, Transformación e Resiliencia, financiado pola Unión Europea-Next Generation EU.
- Manual de Comunicación para Xestores e Beneficiarios dos Fondos do Plan de Recuperación, Transformación e Resiliencia.
- Manual de Comunicación para Xestores e Beneficiarios dos Fondos do Plan de Recuperación, Transformación e Resiliencia do Ministerio de Industria, Comercio e Turismo (MINCOTUR).
- Manual de identidade visual do Plan de Recuperación, Transformación e Resiliencia.
- Calquera outra normativa que poda resultar de aplicación.

IX.- VIXENCIA.

Este convenio iniciará a súa vixencia o día da súa firma e rematará na data de formalización da acta de entrega do aparcadoiro e/ou da lanzadeira ao Concello da Capela, o que ocorra máis tarde, e en todo caso o 31 de maio de 2026 segundo o establecido na Addenda ao Convenio entre a Axencia Turismo de Galicia e a Deputación de Coruña para a execución do Plan de Sustentabilidade Turística Fragas do Eume non marco do Plan De Recuperación, Transformación e Resiliencia, financiado pola Unión Europea- Next Generation EU, ou data posterior en caso de prórroga do dito convenio.

X.- NATUREZA E RÉXIME XURÍDICO DO CONVENIO



1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.
2. A interpretación das dúbidas e lagoas que puideran xurdir na aplicación do presente convenio corresponderaslle ao Presidente da Deputación, despois dos informes preceptivos da unidade xestora, do Servizo de Patrimonio e Contratación, da Secretaría e da Intervención provincial.
3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.
4. O presente convenio quedará suxeito ao disposto non “Real Decreto 36/2020 polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia” , ou “Regulamento (UE) 2021/241 do Parlamento Europeo e do Consello do 12 de febreiro de 2021 polo que se establece o Mecanismo de Recuperación e Resiliencia”, “Resolución do 29 de abril de 2021, da Subsecretaría, pola que se publica o Acordo do Consello de Ministros do 27 de abril de 2021, polo que aproba o Plan de Recuperación, Transformación e Resiliencia”, “Orde HFP/1030/2021, do 29 de setembro, pola que se configura o sistema de xestión do Plan de Recuperación, Transformación e Resiliencia” , “ Orde HFP/1031/2021, do 29 de setembro, pola que se establece o procedemento e formato da información para proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do Plan de Recuperación, Transformación e Resiliencia” así como o disposto no instrumento xurídico que regula a xestión do PSTD Fragas do Eume.

Faise constar que o presente convenio foi aprobado por Resolución de presidencia número 7699 de 21 de febreiro de 2025.

E en proba de conformidade, asinan por duplicado o presente convenio, no lugar e data indicados no encabezamento.

**O PRESIDENTE DA DEPUTACIÓN
PROVINCIAL DA CORUÑA**

O ALCALDE DO CONCELLO DA CAPELA

Asdo.: Valentín González Formoso

Asdo.: Manuel Meizoso López

O SECRETARIO XERAL DO CONCELLO DA CAPELA

Asdo.: Marco Vellón García